

Uc
9504



Uc 9504

Biblioteka Jagiellońska



stdr0008372

Univ. de 9504

42.40229

CASUS MIRUS

DE


CASU CASIMIRI.



Excusus

2159504

ANNO M. DC. LV.



CASUS MIRUS.

Cadit Casimirus.

ET quidem tantillo temporis spatio cadit Casimirus?

Profectò CASUS MIRUS!

Sed nec adeò mirus.

Ecquid enim mirum, quod ipse factus est Ex-REX!

Cum populus Polonus voluerit esse Ex-LEX?

Non secus certè, ut in temone currus: sic in obedientia subditorum consistit Regnorum ac Regnantium salus.

Obedientia ac Concordia sunt Regnorum fulcimenta ac Regum.

His innixa felicitas; quæ non currit, sed stat, quoties rotæ hujus currus ab istis nimium deflexerunt.

Et hoc quidem eò magis, cum spernitur virtus, quam qui abjiciunt, non habent, unde fatum aut infelicitatem suam incusent, malè cedentibus rebus omnibus, præsertim si Numinis contemptus increverit & vita solutior. Tàm enim subditos, quàm Reges semper cogitare decet;

A DEO, ad DEUM, in DEO, per DEUM esse omnia, proinde & illuc dirigenda, ante cætera, illa esse omnia.

Non timor nunc omnes hujus casus causas: neque enim omnia ad publicam lucernam. Melius nonnulla tacentur, quæ tamen aliis ex usu esse queant, ne in eundem impingant lapidem: & nimis fortè multi erunt, quæis vana prurigo judicandi facta, infecta suppeditebit.

Nobis sufficit, ex aliorum malis bona colligere.

Neque enim tam sumus impii in divinam Providentiam, ut casu hæc omnia facta asseramus. Novimus enim satis, quod Diva illa omnibus Imperiis & adstes sit & rectrix, imò quod tunc,

cum casu omnia mere, & retrò sublapsa referri videntur, omni casu major adsit Deus, supponens manum suam omnipotentem, ne planè collidantur res humanæ.

Illam saltem nimiam libertatem accusamus & exosam reddimus, cui ne obmurmurare quidem Reges suos Poloni voluere. Dominam (ajebant palam) visitis, quæ mutare aurigam poterit, si eum temerè à virtute deflectere videbit.

Quo judicio quid periculosius? tùm confusam istam tot religionum ac sectarum colluviem, quæ impietatem unà cum toto reliquorum scelerum grege, imò ipsum tandem Atheismum secum vehit.

Pestilens sanè morbus, ipsâque peste magis pestiferus! sic perire Regna necessum est, in quibus injustitia, impietas, voluptates, luxus regnabit. Ubi vitia pro virtutibus, virtutes pro vitiis: continentia pro stultitiâ, frugalitas pro avaritiâ, pudor pro stupore; ubi ipse Christi, Dei nostri, inimicis juravissimis plus sæpè conceditur, quàm Christianis, quibus prohi/nestas, dominantur, & non sanguinem succumq; tantum illis exhauriunt, sed & de vitâ fortunâq; ipsorum (horrendum dictu, at verum tamen) sententiam ferre possunt; ubi latrocinia, adulteria & pejora impunè patrantur.

Taceo enim graviota, quæ Deus nunquam finit impunita. Hinc illæ lachrymæ. Hoc pariter mali nunc ac boni, Christiani, Judæi, Catholici, Hæretici. Nullus deniq; gravior est casus, quam licentiæ. Granditer ruat necessum est, qui licentiosè vivit, & ex veteri verbo: Ubi licentia, ibi est statim confusio.

Cecidit Casimirus, sed & una cum ipso ipsa Polonorum LIBERTAS, quam dum quærent nimiam, amisere totam.

Acta hæc sunt anno à vindicatâ per partum Virgineum Christianâ libertate CIO. DC. LV.

Quem ad perpetuam rei memoriam huic inclusimus Chronosticho. Casimirus ex - Rex artib Vs Varlls nefarlls.

Detr Vsus abllt è regno patrlo.

LIBER

LIBERTAS.

Quam sagaciter indagas Germane,
en Ego,

Quæ Regibus quondam nostris dominabar, Nobilitatem tuebar,
in Inferiores Tyranni instar sæviebam,
olim terror, modò ludibrium,
Lunari Monarchiæ opposita,
Editura montes, enixa mures.

Conservatoribus & Tutelaribus Patronis confusis,
Magnatibus prostratis,

Aliud subsidium, quàm misericordiam, deserta; nullibi prospicio:
In quam modò tam prona, quam nuper immodica fui sævitiâ,
Adversis prayida.

Quæ inter secunda non divini, non humani juris memor, Ore
procax, animo ignava, speciosa verbis, re inanis aut subdola,
futuri improvida, spe vacuumui nimia fortunâ, securè in
superbiam prolapsa, fiduciâ in sollicitudinem versâ,

Spe virtutis Gentis meæ,

Otio lascivæ & libidinibus corruptæ,

Vidua:

Aurea quondam Sarmatarum super omnes thesauros æstimata,
ac tantoperè decantata ubique

Polona Libertas.

Borealibus istis Populis delata, caduca dispereo;

Patriæ ignominia, Europæ opprobrium, universo orbi prodigiū,

Alium in nullum, quàm Gentis internecionem, belli finem accurata;

Disce meo exemplo, ut venereris, Teuto tuorum

Atq; feras Regum fortiter ingenium,

Anno; quo

Sar Matia Libertas CaDit & InterIt,

Auræ quondam Polonorum LIBERTATI

Exequias, queis commodum est, ite!

Quod enim à tot jam annis timebant cordatiores Politici,

Verebantur ipsi, queis mens non læva, Poloni,

Omni dioptrâ, opticoq; tubo clarius sæpè futura
prospicientes, imo ipsas non rarò Mathematicorum
Astrologicas divinationes superantes:

Id ipsum propè factum peractumq; vident, inimici rident, amici
desunt, neutras complexi partes mirantur, pleriq; alii stupent.
Scilicet hi solent esse fructus nimix & mediocritatis terminos
egressæ LIBERTATIS: facile in licentiam ipsam degenerat:
Hæc autem in ruinam, in servitutem, in exitium.

Gloriabantur Poloni se, præ Nationibus reliquis, optimâ Regi-
minis formâ felices, dum Regibus suis ipsi velut imperitarent.
Semet interea legibus, ad quas Reges tamen vi sæpe ac armis
adegerunt, subtrahentes: Et hanc vocabant LIBERTATEM,
quam sapientiores Licentiam illicitam.

Hæc se felices sorte deprædicabant: hoc DEI munere beatam Pa-
triam suam: Imo tantò beatior, quò rarer magis aliis po-
pulis istud esset decus, ignotumq; bonum, quo se præ cunctis
mortalibus beari autumabant.

Nam quæ revisat limina dulcius
Mavortiarum maxima gentium
Regina LIBERTAS, Polono,
Orbe magis Litavisq; campis?

Hæc faustitatis mater & obii.
Beata nutrix, Regibus altior,
Ipsaq; Majestate major,
Et patriæ melior magistra.
Felicetis, sanguine deniq;
Quæ sita multo, non sine gloriâ
Reperta multo.

Amisâ multo, nunc forsân diceret, si hanc patriæ faciem videret
Princeps Polonorum Poëtarum, ipsiq; adeò Horatio suppar
Sarbievius, Qui tamen nihilominus salubria valde Civibus
suis dogmata reliquit, Quæ si observassent, liberi forsitan man-
sissent: nunc SUEDEICO Jugo oppressi, aut mox amplius
opprimendi.

Gloria-

Gloriabantur, ignota sibi atq; invisâ nomina illa, subjectionem
præ se ferentia.

Lex Majestatis, tributa, delectus, supplicia, carcer, proscriptio:
Eâ ratione beatam se in terris vitam agere autumabant,
Cui nihil ad fortunæ cumulum addi posset, nisi perpetuitas.

Quis verò tali statui spondeat perpetuitatem, in quo confusa o-
mnia, ima que summis mixta? Ubi Parentes Imperantium, Im-
perantes Parentum loco repositi?

Quis non miretur vanas quoque Polonorum aliquot scriptorum
de rebus suis jactationes.

Lechiam inclytam ac liberrimam divum Domum, diæ liber-
tatis templum, Libertatem semper securam & assecutam, ante
cujus thronum prostratum, quodcunq; Gentium tegit Se-
ptentrio, quam latè à Carpathiis montibus ad Mare Caspium,
à Glaciali Oceano ad Euxinum Põntum pater Europa!

Qualia non domi tantum suæ, sed palam in ipsa urbium Urbe
plusquam Panegyricè, at Theatricè, non ita pridem effuderunt?

Quid quod Sarmatiam suam solùm monstra non parere, aut ale-
re, nullius jugum expertam aut toleraturam, tot formidandas
aliis acies hostium nudis semper pectoribus sistentem, LIBER-
TATIS Custodem acerrimam, rebelles Leones Suedicos man-
suefacturam, invidiosis laudibus gloriôsè soliti sunt ubiq; præ-
dicare?

Ubi verò aurea nunc & invicta illa LIBERTAS, ubi pectora for-
tissima, Orbis Christiani antemuralia, quæ nuda olim ac sola
tot insuperabiles acies stiterant: quæque sibi pro muris esse
gloriabantur?

Quâ nunc ratione tam subitò talis ac tanta Poloniâ ad contempti:
paulò ante Reguli pedes, quasi supplex, procumbit, liberum il-
lud collum, nullius ante jugum ferre solitum, illasque manus
liberrimas, illos excelsos & ad imperandum natos animos ei-
dem submittens, Regemque suum abjectè deferens?

Scilicet hic exitus esse solet licentiosæ ac nimix LIBERTATI, quæ
frenum ullum pati nescit, se florem excutit, mox tamen alium

acce-

acceptura longè graviolem, qui omni libertate ademptâ durissimè illam, velut Equum istum cervo infensum in fabulis habitura est. Ita qui nimiam quærunt libertatem, amittunt omnem.

Discite coævi Populi / Discite Posterì.

Nil temperatâ beatius libertate,

Ea inquam, quæ sub bonis Regibus atq; legibus omnium optimè obtinetur: Fœlici ac recto Imperandi parendique æquilibrio: Ubicunque enim quod libet licet, ibi plerumq; id, quod nunc videmus hic, contingere solet. Tu imprimis aliorum damnis ut sapias velim:

GERMANIA. MEA.

Specioso isto vindicandi LIBERTATIS titulo, & ipsa jam plus satis hæctenus decepta ab aliis, quæ sub prætextu tuorum commodorum sua quærunt, Tibique servitium omni jugo gravius sensim ac sine sensu, ut jam experta partim es, imponunt.

Concordiam igitur ante omnia ama & quære Imperatoris Imperio pax:

Exterorum seductiones & fallacias, in tui ruinam paratas devita, priscam illam Atavorum Tuorum fidem, virtutem, Religionem, more majorum, sine fūco, cole.

Sic eorum quoq; fortuna, sic benedictio divina te porro manebit, Sin; quæ tot alios, te quoq; fortuna mansura est,

Utinam falsus sim vates,

Sed utinam tu quoq; monitis istis fidelissimis aurem præbeas, Et hunc annum usui Tuo bene observes.

Quo

CaDente PoLonia sapias GerMania,

Ne & Ipsa Intereas, sane parcas!

2

